

*Die Brüder Sigmund, der Churer Dompropst Johannes und Ludwig von Brandis bestätigen der Gemeinde Fläsch die von ihren Vorfahren ausgestellten Freiheitsbriefe, nachdem ihnen die von den Eidgenossen und Bündnern im Schwabenkrieg von 1499 entrissene Herrschaft Maienfeld wieder zugesprochen worden war.*

*Or. (A), Gemeinde A Fläsch 23. – Pg. 26,8/21,8 (Plica 4,1) cm. – 3 Siegel abh., Siegelbeschreibung und Abb. bei Liesching/Vogt, Siegel, S. 71, Nr. 12 (Ludwig v. Brandis). Auf den betreffenden eingehängten Siegel Pg.-Streifen: He(r) Sigmund. Her Johanes, Tümbrobst. He(r) Ludwig. – Rückvermerk: (16. Jh.): Ain bestet brief der fryhait von den heren von Brandiss. Anno 1500. Erwähnt: RQ Graubünden II/2, 2. Halbbd., 409 (irrt. zum 24. Februar).*

l<sup>1</sup> Ir<sup>a</sup>) Sigmund von Branndis, Johans<sup>b</sup>) von Brandis thümbropst zû Chur vnnd Ludwig von Brandis<sup>1</sup> || l<sup>2</sup> fry herenn gebrüodern bekenndt aller menigklich mit dem briue. Als dan jn diser ver- || l<sup>3</sup> ganngnen kriegss v̄bung enntschwüschennndt Römischer küniglicher mayennstät vnnd gemainen || l<sup>4</sup> aignossenn vnnd Dryen Püntten<sup>2</sup> vnnserr statt vnnd herschafft Mayennfeld<sup>3</sup> von benanten l<sup>5</sup> aignossenn vnnd Püntten gewalttigklich jn genomen vnnd enntwert ward vnnd jn der l<sup>6</sup> bericht hin wider vns jn vnnserr handd vnnd gewalt geantwürt vnnd jr ayden ledig l<sup>7</sup> gezelt, wie yeder vor dem krieg gestanden ist etc., vff semlichs vnns ain ganntze nachpur- l<sup>8</sup> schafft Fläsch<sup>4</sup> <sup>c</sup>) beruörtter herschafft Mayenfeld gelâgen gar demuöttigklich gepâtten, sy jn gnaden l<sup>9</sup> ennpfachenn, jn ayd schutz vnnd schirm zû nehmen, jr fryhaitt, so sy dann von vnnserrn l<sup>10</sup> alttuordrenn durch jr güttât erlanngt habenndt, zû bestâtten vnnd conformieren. Semlich l<sup>11</sup> jr pitt an gesâchenn, ouch des güttten benanten von Fläsch vnnd jre vordren vnns vnnd l<sup>12</sup> vnnserrn vordren bewist vnnd gethon habenndt, ouch jn künfftig zit thûn mügenndt, l<sup>13</sup> so habenndt wir all dry vnngetaylt gebrüoder vnnd erbereren vss schuldiger pflicht vnns l<sup>14</sup> zû thûn begâbenn, jrem begâr als billich zû gelâben. Nemennt wir also obenemptten l<sup>15</sup> gebrüoder benanten von Fläsch jn ayd schutz vnnd schirm, bestâttennt vnnd conformie- l<sup>16</sup> rennt beruörtten von Fläsch jre fryhaitt brieff<sup>5</sup> vnnd sigel, wie dann der sâlbig von l<sup>17</sup> wortt zû wortt lutt vnnd sayt, by dem sâlbigen sy zû schützen vnnd schirmen, one l<sup>18</sup> abbruch vnnd abgangg zû beliben lâssen jn krafft vnnd macht ditz brieffs. Dess zû l<sup>19</sup> vrkünd<sup>d</sup>) vnnd bestâtung dieser sach so habenndt wir obenemptten all dry gebrüoder l<sup>20</sup> yeder jn sunder sin aigenn secrett jnsigel offentlichenn henngkenn lâssen an disen brieff. l<sup>21</sup> Der gâbenn ist vff sannt Agatten aubennt des jars, <sup>e</sup>) man zalt von der gepurt l<sup>22</sup> Cristi vnnserr liebenn heren tusennt vnnd fünffhundertt jâr.

<sup>a</sup>) A, Initiale J, 1,2 cm hoch, am Blattrand kleines w zur Korr. für wir nachgetragen? – <sup>b</sup>) Initiale J, 1,7 cm hoch. – <sup>c</sup>) Hier fehlt in. – <sup>d</sup>) A, statt vrkünd, es fehlt also ein Schafft (nn). – <sup>e</sup>) Hier fehlt da bzw. als.

<sup>1</sup> Sigmund II. (1486-1507), Johannes (\*1456-†1512, seit 1483 Churer Dompropst) u. Ludwig (1483-†1507 erw.) v. Brandis. – <sup>2</sup> (Gemeine) Drei Bünde, ab 1450 Zusammenschluss des Gotteshausbundes (1367), des Grauen Bundes (1395/1424) und des Zehngerichtenbundes (1436), 1524-1798/1803 Freistaat Gemeiner Drei Bünde, seit 1803 schweiz. Kanton GR. – <sup>3</sup> Maienfeld, Gem. u. Kr. GR (CH). – <sup>4</sup> Fläsch, Kr. Maienfeld. – <sup>5</sup> Vgl. Nr. xx (Urk. v. 5. Dez. 1438), Nr. xx (Urk. v. 30. Jan. 1472) u. Nr. xx (Urk. v. 11. Nov. 1486).